

HELAIAN PENDEDAHAN PRODUK

Pelanggan yang dihormati,

Helaian Pendedahan Produk (PDS) ini memberikan anda maklumat penting tentang pelan kemalangan diri Takaful Skim Pembantu Rumah Domestik. Pelanggan lain telah membaca PDS ini dan mendapati ia membantu, anda harus membacanya juga.

Tarikh: 01/01/2026

1 Apakah itu Takaful Skim Pembantu Rumah Domestik?

Takaful Skim Pembantu Rumah Domestik ialah pelan kemalangan diri yang menyediakan pampasan kepada pembantu rumah akibat kemalangan.

Kontrak Syariah Yang Diguna Pakai

Kontrak Syariah yang diguna pakai di bawah produk ini ialah Tabarru', Wakalah, Ju'alah dan Qard. Untuk definisi kontrak syariah, sila rujuk sijil takaful.

2 Ketahui Perlindungan Anda

Untuk tempoh perlindungan selama setahun, anda akan menerima perlindungan takaful berikut:

No.	Manfaat	Jumlah Manfaat (RM)
1.	Kemalangan diri a) Kematian akibat kemalangan b) Hilang upaya kekal c) Perbelanjaan perubatan (tertakluk kepada lebih sebanyak RM200 setiap satu kerugian)	20,000 20,000 sehingga 2,000
2.	Perbelanjaan menghantar balik	sehingga 5,000
3.	Elaun hospital dan pembedahan	sehingga 2,500

Nota:

- Sila rujuk sijil takaful untuk maklumat lanjut berkenaan manfaat-manfaat di atas.
- Tempoh perlindungan adalah satu (1) tahun. Anda perlu memperbaharui sijil takaful setiap tahun.
- Manfaat-manfaat yang dibayar di bawah produk yang layak adalah dilindungi oleh Perbadanan Insurans Deposit Malaysia (PIDM) sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi kami atau PIDM (layari www.pidm.gov.my).

Sijil anda tidak melindungi:

- Melakukan sebarang perbuatan yang menyalahi undang-undang;
- Di bawah pengaruh alkohol atau dadah;
- Komplikasi kehamilan, bersalin, keguguran (kecuali keguguran disebabkan kemalangan) atau pengguguran anak;
- Mengambil bahagian dalam sebarang sukan atau hobi yang berbahaya;
- Mengambil bahagian dalam penerbangan atau lain-lain kegiatan udara selain daripada sebagai seorang penumpang dalam pesawat udara yang dilesenkan sepenuhnya tetapi tidak sebagai salah seorang anak kapal;
- Gangguan seksual yang dilakukan oleh peserta atau pun keluarga peserta;
- Apa-apa tindakan untuk pampasan yang dimulakan oleh mana-mana mahkamah undang-undang di mana-mana wilayah di luar negara; atau
- Sebarang tindakan perang, mogok, rusuhan atau kekecohan awam, kontaminasi radioaktif atau nuclear dan tindakan keganasan.

Nota: Senarai ini adalah tidak menyeluruh. Sila rujuk sijil takaful untuk senarai penuh pengecualian.

Sekiranya anda mempunyai sebarang soalan atau memerlukan bantuan mengenai produk takaful kemalangan diri, anda boleh:



Hubungi kami di 1-300-13-8888
(Etika Oonline)



Layari <https://www.etiqa.com.my/kemalangan-diri>



Emel kepada
info@etiqa.com.my



Imbas kod QR

3 Ketahui Kewajipan Anda

Untuk Takaful Skim Pembantu Rumah, anda harus membayar sumbangan tahunan sebanyak:

Sumbangan Asas	RM 50.00
Anda juga harus membayar fi and caj berikut:	
Komisen Dibayar Kepada Pengantara	25%
Cukai Perkhidmatan	8%
Jumlah Fi Wakalah	Sehingga 45%
Duti Setem	RM 10.00
Jumlah Sumbangan Perlu Dibayar	RM 64.00

Semua sumbangan (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran sumbangan.

4 Syarat Utama Lain

1. Anda harus memberikan maklumat tepat dan cukup semasa permohonan. Anda harus mendedahkan semua fakta material seperti pekerjaan dan aktiviti peribadi.
2. Perlindungan takaful hanya berkuat kuasa apabila anda telah membayar sumbangan (Bayaran Sebelum Perlindungan).
3. Semua tuntutan hendaklah dimaklumkan kepada kami secepat mungkin tidak melebihi 30 hari selepas kejadian yang melayakkan anda untuk membuat tuntutan ke atas sijil. Sila kemukakan kepada kami semua dokumen yang berkaitan untuk menyokong tuntutan anda. Sebarang dokumen atau bukti yang diperlukan oleh kami untuk mengesahkan tuntutan tersebut perlu dikemukakan kepada kami atas perbelanjaan anda sendiri.

Nota: Senarai ini tidak menyeluruh. Sila rujuk sijil takaful untuk senarai penuh terma dan syarat.

? Bolehkah saya membatalkan sijil saya?

Boleh. Anda boleh membatalkan sijil dengan memberi notis bertulis kepada Kami. Semasa pembatalan, Anda akan menerima bayaran balik sumbangan secara pro-rata, dengan syarat anda tidak pernah membuat tuntutan semasa tempoh takaful.